

序

志乘之作非僅存掌故已也運會盛衰風俗淳薄與一切政治人民識大識小莫不備具嘗讀郡國利病書於山川之形勢關隘之險夷有慨乎言之深心人別有懷抱所以爲守土垂戒者至遠且大是則邑乘之存亡固邦人士之責實官斯土者所宜倡導也德承乏是邦以來兵燹之餘崔苒未靖撫綏瘡痍刻無暇晷茲當大局稍定地方雖平取閱舊志良用慨然蓋志之不修已百數十年於茲矣河山如故鐘簴屢移深慮老成凋謝文獻無徵爰於癸酉歲在本府籌欸設會正議編纂復奉

主座飭各縣重修志書之令於是延聘本邑名宿廣於搜羅共襄庶務第所見異辭所聞異辭所傳述又異辭少有舛誤卽不足傳信於後抱殘守缺集腋維艱又值改步改玉沿革複雜弛張之間頗費釐訂正在廣搜典籍旁引考徵間奈於是年冬董選拔瑤林倏爾長辭乙亥春金選拔朝珍忽焉被難奪我哲人失我左臂兩度波折幾至中阻值茲全書告成幸觀厥成體例則精之又精考核則審而又審披卷瞭然如指諸掌深嘉諸君之相與有成也爰誌顛末以論來茲俾知後之視今亦猶今之視昔勿墜前修以垂永久少紓與黎庶同休共戚之願云爾

中華民國二十四年十二月德縣縣長益津李樹德撰序

序

癸酉歲同人等應邑侯李公之聘編修縣志推董君瑤林爲副纂佐李公總其役任事之初董君擘畫周詳復集同人而語曰夫志書之應修與修書之應在吾輩亦何足論惟是國體既變新政日繁舊學淺微文風日減以日減之文括日新之政欲其詳盡無誤也難矣不見夫前志乎金志之成山蓋議之王志之成東圃皆之惟其有嘗議而真切確當之處亦因之而益顯是書若成安知無山蓋東圃其人者嘗議其後乎然慮後人之嘗議而遂中止則又非作者之用心矣作者之用心惟求其詳求其盡求其確切不移其宗旨在乎徵信而典贍其歸宿在乎正人心而厚風俗爲其有戒前車故於百四餘年之事務宜悉心採訪力求簡賅惟恐其或遺也立言持論惟恐其不當也至於學識不到才力不及致以無意之誤竟來春秋之責備亦不得不付之無可如何耳然嘗議者倘及吾見之乎則規吾過誨吾失而學問以長其不及見乎則藉一時之誤垂百世之鑑而史法以昭抑更有說焉其能引經據典遠稽條證如山蓋東圃之宏博則其時人文蔚起世教休明又可預卜矣是則瑤林與諸同人所爲心香默祝者也嗚呼觀董君之語可知其於修志之責引爲己任非苟勞怨不辭抑且虛懷若谷也不圖役未及半而董君竟赴召玉樓矣惜哉同人等服膺董君之言繼續董君之業謹慎將事越二載勉成志書十六卷將付梓爰錄董君之語刊諸簡端以代序言云爾

中華民國二十四年乙亥冬月分纂同人等謹識

德縣志卷一

凡例

一志猶史也舊志綱目較紊似乎漫無統紀今則列爲八門每門節目條分縷晰庶幾綱領具備眉目一清

一舊志於清乾隆五十三年重修迄今百四有六載歷年既已久遠加以清末裁撤各官署檔案散佚而縣公署案卷在民國十七年以前者又復燬於兵燹舉凡制度典章文物搜求殊屬困難是以開始議修各界分任採訪並先通佈曉諭邦人士如有藏稿雖片言隻字有獻必納凡可徵信者細審詳核悉爲登載以期無溢無遺

一舊志修於帝制時代現在國體更易體例自應不同此次重修

德縣志卷一

凡例

三

相度時宜酌量變通以不違世道不背人心爲宗旨

一本邑志書一修於明萬曆四年知州唐公文華是爲唐志再修於明天啓五年知州安公受善是爲安志三修於清康熙十二年知州金公祖彭是爲金志四修於清乾隆五十三年知州王公道亨是爲王志唐志安志今皆不見現存者僅有金王兩志然內多齟齬邑前賢李東圃先生特著州志考異一書力詈王志之誤引據志史以證其非今彙集各編互相考證並參以本省通志及田山舊先生所著之長河志籍考魏仲鶴先生所著之鄉土志呂瑞占先生所輯之桑梓聞見錄等書詳加斟酌分別釐訂雖屬述而不作期在信而有徵

一此次重修凡可以列表者仿史遷年表之例均詳細填表庶乎

醒目便於檢查

一輿地志沿革河渠二目金王兩志互有抵牾惟鄉土志於此兩項考據頗爲詳明用特採錄既可信而有徵復以表彰前賢並將舊志運河兩岸堤埝分段管理各條附載於河渠之後以明當年之界限

一前清康熙兩帝乘輿南巡屢莅此邦豁賦免役賞資迭加舊志列於卷首今非其時特攝列於紀事之中以備參考

一踰度一目本諸天位乎上地位乎下之義列入輿地志內惟舊志所載僅有北極出地度數似未詳蓋茲按邑人魏漁山先生所著天文踰度一書復用儀器實施觀測並附以踰度表庶較精詳

德縣志卷一

凡例

四

一明清兩代州衛分治壤地犬牙相錯最易混淆自清末裁衛附近各縣之衛地屯所分併於各縣管理其併入本縣者於民國初年全縣劃分九區悉歸納於九區之中今依現在之規定分區繪圖並將舊志所載里保村屯之沿革變遷擇要節錄以及舊有今無舊無今有之村莊分別列表以著今昔之不同

一城郭祠廟古蹟各目舊志所載凡經州志考異駁詰者悉搜原引之書參互考核並依據通志細審訂正其無確據者酌爲刪去庶免牽強附會之弊

一田賦一目舊志所載頗屬詳明按照採錄凡土地之新收升科及豁除佔壓各項均照採訪所得登列惟自民國初年地丁改徵銀洋每兩攤合數目屢有變更田賦附加稅亦時有增減且

案卷不全殊難詳稽僅將調查所得者列入以資考核

一政治志舉凡行政各機關以現行者爲準則悉照來稿登載間有得諸採訪與傳聞者難免有疏漏簡略之處

一學校有志所以正文風而端士習自唐貞觀詔各州縣皆立孔子廟後世附以學宮藉爲講學之所既以表廟貌之尊嚴復以徵文教之昌盛此次修志謹將聖廟列於學校志首備將配享及從祀兩廡之先聖先賢依次排列略加註釋並附以書院賓興義學以誌當年廟學之制度而發科人士依照舊志貢舉之例則列表附焉

一自清末停止科試興辦新學學校制度一變今與昔既然不同自難與科舉時代相混故特另列一卷舉凡教育行政及各校

德縣志 卷一

凡例

五

概況分晰登載有可列表者均詳細填表以便檢查至於學校畢業生亦仿舊志科第以五貢爲限之辦法凡舊制中學以上各校及與舊制中學相等各校畢業者均行登載當開始纂修時曾由第五科登報通告邑中合格畢業生限期赴科登記或以書面通知以資編入茲雖依照第五科來表暨訪問憶及者

一一序列然恐遺漏殊多

一官蹟志循舊志體例凡政績卓著者官不論大小職不分文武均爲列傳以彰賢聲但以既去者爲限並附以職官表分別文武主客按年臚列以便考查

一金志官蹟傳載漢蕭公望之以迄金王公擴等二十五人王志悉爲沙汰惟諸公理應載紀李東圃先生州志考異辨論甚詳

且其中多有已秩祀典者今復按金志依次叙列至王志所增郭鈞等數人曾被州志考異駁詰故未採錄

一人物爲鄉邦重望載之志乘上以備國史之採擇下以爲閭里所矜式已往之文武賢哲載在前志昭然可考自清乾隆五十四年而後志書失修百有六年其間哲人已往遺典無存文獻幾於無徵幸賴馬葛村先生輯有陵州耆舊集一書一遵盧雅兩先生山左詩鈔體例均系作者小傳今依是集及鄉土志等書並得諸鄉里傳聞者將百餘年來之耆英事跡以次列傳傳者傳也所以傳信於後也首列大儒董子次之以耆英忠義孝行齒德立身樹品雖非一致要皆以正誼明道爲宗而不營營於功利者也但歷年已久採訪仍恐未周遺漏之處在所難免

德縣志 卷一

凡例

六

一前賢之學行既已備載乃有文職顯榮抑或武功赫奕或崇受子孫之封或恩邀先代之賡或勤勞國事而得保舉或熱心公益而獲獎勵亦何敢輕而忽之仍循舊志體例而一一附焉

一閨範一志所以標婦則示激勵也德邑向稱禮義之邦貞女烈婦代有其人或奉親教子賢孝著稱或青年居婦柏舟矢志或仰藥以殉夫或就死以全節其立志持躬一種百折不回之氣概直與忠臣義士同一堅決稍有遺漏實載筆者之咎也本志悉依次登載庶足以彰潛德而發幽光

一舊志貞節一目僅載三百餘人此次新增一千三百餘人大半錄自通志及採諸檔案與訪聞然通志所載德邑節烈有傳者

僅三四人餘則均著姓氏而無傳茲特依其體例除事蹟卓著有可尋查者系以小傳其無事蹟可考者守節育孤事屬從同亦皆祇誌姓氏惟儒學裁撤檔案已失深恐尚有漏列者焉

一風土一志所以覘人情之淳薄驗物土之良窳舊志無風俗之記載物產亦僅列其名今者民智日開風化變遷舊日之習俗或被淘汰而無傳特將婚嫁喪葬祭祀之概况歲時節令之習尚略為載紀以期懲前忘後返樸還淳而進於大同種族慈善以次附之至物產一目亦逐一粗為詮釋俾人知所抉擇有益者與之有害者除之以利民用而厚民生

一藝文載諸志乘係循孟堅漢書之例非但誌人文之盛亦以有志者隨時隨地隨事或紀之以文或託諸詩歌皆足以徵往古

德縣志 卷一

凡例

七

而示來茲本志所載先文而後詩蓋以文以載道詩以抒懷編次按年復分內外以區別客主而便於察閱

一清代康乾兩帝南巡過此每有歌詠特另彙一編附於藝文詩後以免混淆

一金志所載藝文王志採錄時文外文內兩編多有節刪改易之處此次重修悉照金志分別更正俾閱者得見廬山面目

一此次重修一切記載截至民國二十四年止以後之事統希下屆編纂以示限制

德縣志目錄

卷一

總目

序

凡例

目錄

修志姓名

舊志序跋

圖繪

卷二

輿地志

德縣志 卷二

目錄

八

沿革

紀事

卷三

輿地志

疆域

疆域

河渠

卷四

輿地志

城郭

公署

局所	法團	工廠	倉庫	關樞	橋梁	祠廟	坊表	冢墓	古蹟	園亭	金石	卷五	政治志	戶口	田賦	卷六	政治志	行政	財政	建設	公安
											目錄										
											九										

法院	政黨	自治	民團	郵政	鐵路	電報	電話	汽車路	卷七	學校志	廟制	學制	賓興	書院	義學	貢舉表	卷八	學校志	教育沿革	教育組織	教育經費
											目錄										
											十										

歷任教育人員表	現任教育人員表	縣立各學	省立中學	私立各學	民衆教育	學校畢業生姓名表	卷九	宦蹟志	政績	職官表	德縣志 卷一	目錄	十一
人物志	大儒	耆英	卷十一	人物志	忠義	孝行	齒德	文職	武職				

封贈	恩廕	保舉	孝廉方正	耆民	優行獎勵	卷十二	閨範志	賢孝	嫠節	貞烈	德縣志 卷一	目錄	十二
風土志	禮俗	種族	宗教	慈善	商務	物產	卷十四	藝文志	文外編				

卷十五

藝文志

文內編

邑人著作

卷十六

藝文志

詩外編

詩內編

康乾詩聯

德縣志卷一

目錄

十三

修志姓名

督修

德縣縣長兼文獻委員會委員長李樹德河北霸縣人

協修

德縣縣政府第五科科長兼文獻委員會委員梁廷璋黃邑人

監修

德縣縣政府第三科科長兼文獻委員會委員陳永和如邑人

副總纂

德縣文獻委員會委員董瑞林芝邑人

分纂

德縣文獻委員會委員田敬學山邑人

德縣志卷一

修志姓名

十四

德縣文獻委員會委員金朝珍延邑人

德縣文獻委員會委員趙廷瑞崑邑人

德縣文獻委員會委員呂大激川邑人

德縣文獻委員會委員存鑑北平人

德縣文獻委員會委員田種民權邑人

德縣文獻委員會委員魏廉敬縣邑人

德縣文獻委員會委員徐思詠縣邑人

德縣文獻委員會委員李珏生玉邑人

德縣文獻委員會委員張開魯民野縣人

德縣文獻委員會委員徐乃真邑人

分校

德縣縣政府秘書兼文獻委員會委員	凌誦葵	河南	人
德縣縣政府秘書兼文獻委員會委員	譚撫塵	河北文安縣人	人
德縣縣政府第一科科長兼文獻委員會委員	徐敬修	河北霸縣人	人
德縣縣政府第二科科長兼文獻委員會委員	董佐泉	壽光縣人	人
德縣縣文獻委員會委員	李銑	天津人	人
德縣縣文獻委員會委員	吳光弼	天津人	人
採訪			
德縣縣政府第四科科長兼文獻委員會委員	王朝棟	清平原縣人	人
德縣公安局局長兼文獻委員會委員	陳俊德	河南偃師縣人	人
德縣省立中學校長兼文獻委員會委員	程士珩	臨朐縣人	人
德縣私立博南中學校長兼文獻委員會委員	王元信	平原縣人	人
德縣志 卷一 修志姓名 十五			
德縣縣立高等小學校長兼文獻委員會委員	楊蔭堂	承邑人	人
德縣縣立高等小學校長兼文獻委員會委員	安奉璋	莒邑人	人
德縣商會會長兼文獻委員會委員	孫金銘	聊城縣人	人
德縣國術館館長兼文獻委員會委員	李蔭梧	朝邑人	人
德縣縣文獻委員會委員	張巧嵐	生邑人	人
德縣縣文獻委員會委員	安樹德	身邑人	人
德縣縣文獻委員會委員	呂鼎元	南邑人	人
德縣縣文獻委員會委員	盧晉升	符邑人	人
德縣縣文獻委員會委員	孫金城	祖邑人	人
德縣縣文獻委員會委員	武蔭培	蘭邑人	人
德縣縣文獻委員會委員	馬子涓	符邑人	人

德縣縣文獻委員會委員	王祖槐	省邑人	人
德縣縣文獻委員會委員	魏振鏞	東邑人	人
德縣縣文獻委員會委員	魏有勳	東邑人	人
德縣縣文獻委員會委員	孫永豐	邑人	人
德縣縣文獻委員會委員	任己	邑人	人
德縣縣文獻委員會委員	楊鳳台	邑人	人
德縣縣文獻委員會委員	張信成	邑人	人
德縣縣文獻委員會委員	于連科	邑人	人
德縣縣文獻委員會委員	王樹梅	邑人	人
書記			
德縣縣文獻委員會書記兼會計	高濟生	河北霸縣人	人
德縣志 卷一 修志姓名 十六			

德州志原序

明唐文華

夫志誌也乃古史之遺意蓋凡郡邑必有志所以載往微來備覽觀而垂久遠俾境以內山川人物風化瞭在目中原係豈淺鮮哉借世之爲志者鑄藥眩奇枝葉耳矣其於根本篤實之地歎然也如志何予政餘嘗覽德志見其浮舛混淆漫無統紀且板式慢藏致人更竄良可慨也茲德庠李掌教學博識融議清志一與之商確重創舊然爲之採以輿論決以眞聞某月稿就獻予乃知井井不紊簡直弗靡眞足以永其傳者謹命梓刊之在丙子孟秋初旬日也是爲序

德縣志卷一

舊志序

十七

德州志跋

明李 鎰

萬歷甲戌懷慶唐公文華以經濟長才刺史德州甫期月政通人和百廢具舉以德州舊志浮舛混淆漫無統紀命予重輯予訪諸故老稽其舊聞據事約理不敢漫爲之說志草雖就慚汚汗簡恐後之病今尤甚於今之病昔也爰就正於大中丞小東馬公大方伯靜泉程公大參新所張公皆藝苑宗匠史館名家各摠見聞嚴加斧斲始纂成志筆削之功三公懋厥勞焉呈諸刺史以定準裁刺史曰是志也草創於李學博而討論修飾則程張二公考其實若潤色則中丞馬公賁其章勒成一書德郡之事瞭然在目矣奚容損益爲哉爰命鐫梓以永其傳予敬跋於末云

德縣志卷一

舊志跋

十八

重修德州志序

清金祖彭

國有史郡有志史以紀一代之興衰志以紀一方之得失志者史之權輿也俗吏之務在乎簿書期會而不知道法之實至於帖括之儒又多以非所習而罕究心焉掌故之日湮而舊聞之放失有由來矣自非其地之薦紳先生卓然抱當世之略而成一家之言則華陽人物之書陳留風俗之志亦烏得以垂於後代乎德爲山東第一州錯壤三輔綰轂東南近接神皋遠輸天庾其地亦綦重矣州之志書爲明萬歷四年唐侯文華所作其於典故已多漏軼迄今又九十餘年其間賢才之蔚起節烈之挺生科名之踵武以至詞人之所留連使客之所題詠並泯而無徵况自興朝定鼎凡兵屯地畝力役之制一切更絃不爲記載委之胥吏將日就剝缺此有民社者之責也州人德縣志卷一 舊志序 十九

工部以外程君正夫家學青細文壇彩筆博聞往牒邇達國體林居二十六年不交世務所輯之書名曰德州詩搜德州文搜所著之詩名曰德州先賢詩凡若干卷而又以郡乘缺遺莫備職方之採蒐羅故實爲志草十篇會玉峰顧寧人先生至此相與溯論古昔考正疑誤書垂成而正夫奄然以歿正夫爲人外和內介非公不至余待罪三載自愧塵俗未獲請事於終遺之日而猶幸是書之存足爲此邦文獻適天子有纂修方志之命乃屬仲啟趙君霖瞻星來二李君補而刻之昔相如既卒始有茂陵之求孫盛云亡乃出枋頭之史豈若今之楮墨宛然儀型如接邦人誦立言之不朽聘客歎周禮之猶在者乎余得藉手以道俗吏之譏實爲多幸而猶冀後之博物君子紹聞廣業以永此邦之傳則一方治術民風必賴之矣

德州志略序

清程先貞

德州舊志元不可讀先貞忝在後學竊取遺言作志略拾諸斷碑殘碣剩簡餘編汲汲如恐不及未暇浣飾厥詞也業既卒作而歎曰舊志稱德州曰貴禮尚義義長老有勤儉之範子弟多絃誦之風又曰人尙忠勇家業農桑風俗淳厚夫數十年前之吾不能知自吾耳目所聞見與斯語亦略相近人有敗行則措躬無地不復爲鄉里齒三代直道猶在人心今則儼然淩駕於士大夫之間即使明知其非乃姑相與容之也卑幼到尊長家皆自處客位上坐先行甚至五服猶子亦復如此禮之不存情於何有又如吏胥輿臺之類字謂縉紳絕無上下之體又如奴婢無常主飢則來附飽即颺去視其主如路人矣凡此數者雖若細故關係最大不知起自何時至今爲厲也所謂德縣志卷一 舊志序 二十

貴禮尚義風俗淳厚者安在哉今士大夫當何如思所以返之且令公是公非不昧於所指節文率由舊章名分悉稟成約然後徐商其餘耶至於田土由闢而荒戶口由衆而寡賦役由省而繁財費由約而侈物產由富而貧吏治由良而奸卽以此推之天下恐不獨一德爲然信陽何仲默先生言之矣顧主持政教者之責非吾輩之所敢知也則予也不佞亦猶不賢者識其小云

德州志跋

清 蕭惟豫

郡邑之有志猶國之有史也然史之與志有異史略而志詳史兼勸戒所紀天下之事善惡並列每不勝書而志獨紀郡邑之善端以爲勸可以備載而無遺此史與志之異也然則志之有傳傳其可傳者也其不可傳者勿以傳爲是又作者之責與吾州乘行已編輯成書而同人以人物志示余首先儒次鄉賢孝子節婦次之仙釋又次之歷漢唐以來千餘年間道德文章後先接武豈不盛哉豈不盛哉是其地近鄒魯風教猶存故士重廉恥敦禮義而庸人婦女亦知盡孝伏節蓋人物之可志者不勝紀也乃并其首者則漢董仲舒夫仲舒一代大儒其言曰正其誼不謀其利明其道不計其功今誦其言想見其人學士大夫立身行己苟正誼明道而不營於功利則郡乘志之國史記之其人亦仲舒矣又何必飾一行以邀身後名耶是人物一志所傳信乃足以示勸而志之全書視遠矣是編也捐俸而董其成者金侯大年也採輯而紀其事者故友程子正夫也考校而力襄其役者友人趙子仲啟李子霖瞻李子星來也操觚而文其辭者崑山顧子寧人也讀人物志而跋於州志之後者州人蕭惟豫也

德州志 卷一

實志跋

二十一

重修德州志序

清 王道亨

志者史之餘也其體裁與史異而其鑑別得失與史略同考古則以史經爲據紀載時事則綱舉目張洪纖畢備總歸於信而可傳而後已道亨承乏德州查志乘不修已閱百十五載矣其始守茲土者視爲無關切要置之不詢與此固容或有之而不盡然也德自明初以迄於今賢士大夫接踵而起往往據其所見著述成書金志以程正夫志草爲根據其明徵也然所學不同所見各異故亦往往有各執一見枘鑿不入互相駁詰者道亨既知從前屢修而屢不成大率以意見齟齬而止其將因噎廢餐亦遂置之不論與夫其地其人其事必生長於斯者能周知其故志之不能不借證於是邦之士大夫明突然于各山所見折衷而衡定之則守土吏之權也於是周詢士庶

德州志 卷一

實志序

二十一

旁求職書搜羅逸稿州人士以其所著述獻考古各各不同如沿革河渠等篇或以史漢爲主或以水經注爲主案水經爲桑欽所撰鄒道元始言之班氏藝文志並未載水經名目可見水經卽果係桑欽所撰亦屬撰而未成之書道元取而踵成之者道元北魏人去漢已遠往往以漢之故道指爲禹之故道獨不想水性靡常一時有一時之故道夫既曰故道則水不由此中行勢必變爲桑田年近則猶有河形年遠則形跡全無豈有千百年後之桑田猶得確指爲千百年前某水故道耶其至北魏時猶得確指爲故道者是漢故道非禹故道較然矣不若史漢以當代之人紀當代之事近而足據故竟本史漢爲根柢此考古之歸於信而可傳也至疆域田賦建置政事宜蹟人物孝子節婦事求其實在俾後之覽者一目瞭然此時事之歸

於信而可傳也士大夫幸生聖世躬被教化庸言是謹庸德是行道
亨之志也事或有涉於隱怪雜乎異端者其事本不可信而顧傳之
於書竊恐其惑世誣民恣而爲邪說之宗也雖舊志所載必刪之道
亨既守德以修志爲必當行之事惟知據道亨所權衡以爲是者纂
述之而已既成而或議其後其是與非當世必有能辨之者

德縣志 卷一

舊志序

二十三

重修德州志序

清葛正華

事之成與不成殆有數焉不可強也余待罪督漕八年於茲矣每見
州之志乘歷百餘年弗修余竊然懼其久而湮也乾隆四十六年辛
丑州牧萬君始從事於此余欣然曰志成有日矣一時士大夫紛紛
出其所著述呈之於余余得縱覽焉其中得失未之深考也既而萬
君設館始事余以州人吳西嶺所著書二種付志館以備採選余弗
知秉筆者果採選否未幾萬君以事去官志迄於無成余爲之慨然
閱六年丁未王君來攝州事甫下車卽以修志爲己任延余同年張
君夢麟與其弟孝廉彈荆爲贊襄厥事張君昆仲皆深於古者余又
爲之欣然於是士大夫紛紛各呈其所著述於王君如前呈余時余
知其各執一說參差不一勞若道旁築室又愀然慮志之仍迄於無
成也王君深知其故而於紛紛來呈者悉納之不置可否與二張君
權衡而裁定之閱數月志竟告成矣嘻異哉何前此成之甚難而今
成之若是易也王君以一帙質之余余取而讀之不支不蔓詞簡而
旨明事核其體要念念繫乎生民考核則甚詳辨論則甚醒評斷
則甚確以張君之筆達王君之意洵於志乘中獨開生而非有定識
定力弗及此余乃暢然曰今日德州志果成矣余嘉王君之不撓於
羣議而快余之究竟目觀其告成也并數言以志喜

德縣志 卷一

舊志序

二十四

圖繪目錄

縣境全圖

九區分圖

孔廟圖

河渠圖

縣政府圖

法院圖

監獄圖

省立德縣初級中學圖

縣立師範講習所圖

縣立第一高等小學校圖

德縣志


卷一

圖繪目錄


二十五

縣立第一高等小學分校圖


民衆教育館圖



濰縣縣境全圖






總縣第一區分圖



德縣第二區分圖

1
94500



德縣第三區分圖

